

» tenoribus et formis, ac cum quibusvis clausulis et decretis hactenus quomodolibet concessa, quorum omnium tenores ac si de verbo ad verbum insererentur, presentibus haberi volumus pro expressis, quatenus sint in usu, Apostolica auctoritate approbes et confirmes, ac suos plenarios effectus sortiri, et ab omnibus inviolabiliter observari debere, eosque illis omnibus libere uti frui et gaudere posse decernas, et nichilominus veris existentibus premissis per te, vel alium, seu alios presentes literas, et in eis contenta quecumque ubi, et quando opus fuerit, ac quoties pro parte eorundem Grecorum desuper fueris requisitus, solemniter publicandum ipsique Grecis in premissis efficacis defensionis presidio assistendo, facias eos advocacy, extinctione, silentii impositione, approbatione, confirmatione, et decreto predictis, ac aliis in presentibus litteris contentis pacifice frui et gaudere, non permitiendo, eos desuper per quoscunque contra eorundem presentium tenorem quomodolibet molestari. Contradictores quoslibet et rebelles, ac tibi in premissis non parentes per censuras et penas ecclesiasticas, ac etiam pecuniarias tuo arbitrio moderandas, et applicandas appellatione postposita compescendo, invocato etiam ad hoc, si opus fuerit, auxilio brachii secularis. Non obstantibus premissis, et constitutionibus et ordinationibus Apostolicis, nec non posterioribus Clementis et nostris litteris huiusmodi, ac per illas seu alias quomodolibet factis licentie facultatis, exemptionis, subjectionis, privilegiorum, immunitatum et indulgentiarum huiusmodi suspensionibus, moderationibus aut revocationibus contrariis quibuscunque, aut si aliquibus communiter vel divisim ab eadem sit sede indultum, quod interdicti suspendi vel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mentionem. Datum Rome apud sanctum Marcum sub annulo piscatoris die XXII junii MDXXXIX. Pontificatus nostri anno quintodecimo. »